

Resolución lumero: 4**Asunto:** Os alberbios rematatos en *-mén***Testo de a resolución**

Os alberbios rematatos en *-mén* cal formar-los sobre a forma femenina de l'achetibo, siempre que bi'n aiga. Cuan os alberbios d'ista traza se formen sobre achetibos acutos rematatos en *-n*, lebarán un unico tochet en a e de a silaba *mén*, d'aluerdo con o punto 5.5.2 de as *Normas graficas de l'aragonés*, encara que a forma desenta de l'achetibo lebe tochet. Exs.: *rezienmén*, *independienmén*, ... Cuan en una mesma frase bi ha dos alberbios rematatos en *-mén*, a costrución chenuina en aragonés ye de o tipo *buenamén e simpla* e no **buena e simplamén*.

Chustificazi3n

Istos alberbios siempre se forman en a fabla popular sobre a forma femenina de l'achetibo: *amplamén*, *seguramén*, *ricamén*, *sinzeramén*, *malamén*, *francamén*, ez. Por ixo, siempre que bi aiga achetibo femenino en a fabla popular autual ye ixa ra forma que cal emplegar: *pobramén*, *buenamén*, *simplamén*, *fuertamén*, ez. En o caso que bi aiga formas femeninas en a fabla meyebal, podrá almitir-se a costrución de os alberbios en *-mén* con istas formas: *tristamén*, *alegramén*, *cortesamén*, *beninamén*, *inoranmén*.

Bibliografía